

MAHASISWA PERLU PELBAGAIKAN ILMU PENGETAHUAN UNTUK HADAPI ALAF BARU.

SABAH TIMES--28.08.1999.

Mahasiswa perlu pelbagaikan ilmu pengetahuan untuk hadapi alaf baru

KOTA KINABALU: Pembangunan kualiti manusia menjelang alaf baru, harus dijadikan sebagai alat pendorong kejayaan oleh semua generasi muda masa kini bagi membantu menepati sasaran negara.

Pembantu Menteri kepada Ketua Menteri Datuk Sapawi Haji Ahmad, berkata dari hal sedemikian merupakan satu trend kepercayaan kukuh terhadap generasi muda untuk memiliki kekuatan intelektual dalam menempatkan negara sebagai pengeluar manusia lebih berkualiti dan berdaya saing.

Berucap semasa mewakili Ketua Menteri Datuk Seri Panglima Osu Haji Sukam pada majlis Makan Malam bagi meraikan para peserta Pertandingan Debat Alam Sekitar di salah sebuah hotel terkemuka di ibu negeri malam Ahad, beliau berkata jaminan menepati sasaran tidak mudah tercapai jika generasi mudanya sendiri enggan mengambil tempat dalam usaha penjanaaan pembentukan kualiti tersebut.

"Oleh itu saya bagi pihak Ketua Menteri dan kerajaan negeri Sabah, dengan secara terbuka meminta kalangan mahasiswa yang kini menuntut di instiutsi-institusi pengajian tinggi harus bersiap sedia mengambil tempat dengan memartabatkan diri untuk terus mengorak ilmu pengetahuan sebagai bakal pada masa alaf baru yang mendatang," katanya



TELUS...Sapawi menyampaikan cenderahati kepada salah seorang peserta di majlis itu.

Majlis anjuran Jabatan Alam Sekitar Kementerian Sains, Teknologi dan Alam Sekitar dengan hasil kerjasama Sekretariat Timbalan-timbalan Naib Canselor Hal Ehwal Pelajar Institusi Pengajian Tinggi adalah atas tajaan Ketua Menteri Datuk Osu Haji Sukam.

Sapawi yang juga Anggota Dewan Undangan negeri Sindumin, berkata untung nasib negara tidak seterusnya bergantung kepada para pemimpin yang sedia ada sekarang.

Tetapi katanya, keberhasilan kemajuan pembangunan kualiti manusia adalah hasil kerja keras generasi muda

negara dengan pendeliasian dalam diri setiap individu.

Katanya, bibit yang sempurna dan watak unggul serta memiliki kepribadian sahsiah adalah antara kunci membawa generasi muda negara terus maju dalam semua bidang.

Mengenai majlis itu, beliau berkata langkah sedemikian secara langsung memberikan kesempatan kalangan peserta menjana pemikiran terbaik untuk membantu negara mencipta kemajuan pembangunan dalam pendidikan.

"Selain menjana pemikiran bernas, mahasiswa yang terbabit juga mendapat kesempatan mengorak pembentukan

minda secara terbuka di samping menjalin hubungan perpaduan intim melalui interaksi sesama mereka," katanya pada majlis itu.

Turut hadir Naib Canselor Universiti Malaysia Sabah Prof. Datuk Seri Panglima Dr Abu Hassan Othman.

Beliau berharap dengan adanya globalisasi sedemikian, pertandingan seperti ini meletakkan seluruh manusia golongan mahasiswa akan taat kepada kecintaan negara serta menerima hakikat kepentingan kebersihan alam sekitar yang berkekalan. **OLEH MOHD KASSIN AWANG TENGAH.**